



Comhaltaí de Bhord an BAI

An Dr. Pauric Travers (Cathaoirleach)

Céimí de chuid an Choláiste Ollscoile, Baile Átha Cliath, agus Ollscoil Náisiúnta na hAstráile, Canberra, is ea an Dr Pauric Travers. Is staraí agus oideachasóir mór le rá é agus tá sé ina Uachtarán Emeritus ar Choláiste Phádraig, Droim Conrach, áit ar chaith sé 13 bliana mar Uachtarán/Phríomhoifigeach Feidhmiúcháin. Tá taithí leathan ag an Dr Travers mar chomhalta de bhoird éagsúla agus de chomhlachtaí reachtúla éagsúla i réimse an oideachais agus an chultúir. Tá obair déanta aige mar stiúrthóir ar an Lár-Oifig Iontrála agus mar bhall den Chomhairle Mhúinteoireachta. Bhí sé ina chomhalta den Údarás Ceannais ar Ollscoil Chathair Bhaile Átha Cliath ar feadh 14 bliana. Bhí sé ar dhuine de na stiúrthóirí bunaithe ar an Lárionad um Staidéar Trasteorann in Ard Mhacha agus ar an mBuanchoiste ar Oideachas Múinteoirí, Thuaidh agus Theas. Tá léachtaí tugtha aige agus tá ábhar foilsithe aige ar ghnéithe den choimhlint i dTuaisceart Éireann.

Mar oideachasóir, tá dlúthbhaint ag an Dr Travers leis an bhfoghlaim chumaisc agus le húsáid teicneolaíochtaí digiteacha a chur chun cinn sa teagasc. Bhí ról ceannasach aige in TEACHNET, an pobal ar líne do mhúinteoirí, a bhunú agus bhí sé ina chathaoirleach air le blianta fada. Tá sé ag cur spéis sna gnéithe oideachais agus staire den chraolachán le fada.

An tUas. Alan McDonnell

Tá Alan McDonnell ar an stiúrthóir bainistíochta ar Empeira Consultants, sainchomhairleoirí gnó ar speisialtóirí iad i rialachas corparáideach agus i straitéis chorparáideach. Tá Diplóma aige i Rialachas Corparáideach ó UCD agus tá Diplóma aige i Stiúrthoireacht Gnó ó Institiúid na Stiúrthóirí.

Grace Smith Uas.

Gairmí dlí a bhfuil an-taithí aici is ea Grace Smith, a bhfuil níos mó ná 20 bliain caite aici mar dhlíodóir idirnáisiúnta i mórchleachtadh dlí. Tá sí ina sainchomhairleoir neamhspleách a oibríonn le heagraíochtaí tráchtála, poiblí agus neamhbhrabúis i réimse na maoine intleachtúla in Éirinn. Oibríonn sí le cliaint idirnáisiúnta freisin. Tá sí ina comhalta de bhord Amharclann an Gheata.

An tOllamh Maeve McDonagh

Dlíodóir Acadúil is ea an tOllamh McDonagh. Is speisialtóir í i ndlí na faisnéise, lena n-áirítear saoráil faisnéise, cosaint sonraí, an dlí um theicneolaíocht na faisnéise agus an dlí um chearta an duine.

An Dr. Rosemary Day

Ceann na Roinne um Staidéar ar an Meán agus Cumarsáid ag Coláiste Mhuire gan Smál in Ollscoil Luimnigh is ea an Dr Day. Is múinteoir agus taighdeoir ar na mórmheáin chumarsáide í agus is minic a fhoilsíonn sí ábhar ar chúrsaí a bhaineann leis na meáin. Tacaíonn sí go mór le craolachán pobail. Bhí baint aici le dhá stáisiún raidió pobail agus leis



an bhFóram Raidió Pobail (CRAOL) a chur ar bun.

An tUas. Denis Wolinski

Iar-Bhainisteoir Náisiúnta Thuaisceart Éireann, Digital UK, Iar-Stiúrthóir Ofcom Thuaisceart Éireann agus Iar-Cheann Choimisiún Neamhspleách Teilifíse Thuaisceart Éireann is ea an tUas. Wolinski. Is léachtóir/teagascóir é ag Coláiste Uí Ghríofa, Baile Átha Cliath.

An tUas. Séamus Martin

Iar-Eagarthóir ar an Irish Times (Eagarthóir Gné-Alt, Colúnaí, Eagarthóir ar Fhoilseacháin Leictreonacha an Irish Times, Comhfhreagraí i Moscó, Comhfhreagraí san Afraic Theas agus Eagarthóir Idirnáisiúnta) is ea Séamus Martin. Oibríonn sé mar shainchomhairleoir agus mar thaighdeoir do chlár éagsúla raidió agus teilifíse freisin. Sa bhliain 2012, ba i leith 'Death of an Empire', sraith cúig chuid a bhí bunaithe ar an Rúis, a bronnadh an Dámhachtain Óir air sa chatagóir 'Clár Raidió Den Scoth' ag Féile Nua-Eabhrac.

An tUas. Seán Ó Mórdha

Léiritheoir, stiúrthóir agus craoltóir neamhspleách scannán agus clár faisnéise is ea Seán Ó Mórdha. Díríonn sé ar an nGaeilge agus ar chultúr, ar stair agus ar litríocht na hÉireann. Bhí sé ina léiritheoir/stiúrthóir ag RTÉ roimhe seo.

An tUasal Mary Curtis

D'fhóin an tUasal Mary Curtis i roinnt poist shinsearacha sna meáin, mar Leas-Stiúrthóir Teilifíse ag RTÉ agus ceannasaí ar UTV Ireland ina measc. D'fhóin sí, chomh maith leis sin, ar Bhord RTÉ ar feadh sé bliana. Tá sí ag oibriú faoi láthair mar Shainchomhairleoir Craolacháin agus Meán.